

## **Sindikata Mašinovoda-Strojovoda u FBiH**

**Federacija Bosne i Hercegovine  
Vlada Federacije Bosne i Hercegovine  
n/r Predsjednika Vlade Federacije Bosne i Hercegovine**

Gospodine Premijeru,

Najavili ste bezpoštednu borbu protiv kriminala i korupcije, što nas je jako ohrabrilo i obradovalo.

Međutim, dešavanja u Željeznicama FBiH o kojim je obavješten Vaš i naš resorni ministar prometa i komunikacija u FBiH, veoma su obezhrabrujuća.

Znamo da ste naslijedili mnoge probleme i da se bavite profitabilnijim firmama ( Elektroprivreda, Telekom i dr. ), ali Vas Sindikat Mašinovoda-Strojovoda u FBiH poziva da se pozabavite i Željeznicama FBiH, odnosno radom Nadzornog odbora i Uprave Željeznica FBiH.

Gospodine Premijeru, Sindikat Mašinovoda-Strojovoda u FBiH sa drugim sindikatima potpisnicima Kolektivnog ugovora, već duži period upozorava na nezakonite i kriminalne radnje Generalnog direktora Nedžada Osmanagića i ostalih članova uprave u Željeznicama FBiH.

Naše izjave potvrdio je revizorski izvještaj, koji je objavio Ured za reviziju institucija u FBiH (dostupan na službenoj stranici Ureda, [www.saifbih.ba](http://www.saifbih.ba)), koji je negativnom ocjenom ocijenio rad Uprave Željeznica FBiH.

Ako se revizorskom izvještaju dodaju i pogrešni – štetni poslovni potezi kao što su :

- nabavka SAP-programa za što je utrošeno 4,5 miliona KM, a umjesto da su sredstva uložena u Centralnu radionicu Rajlovac, za nabavku opreme za popravak vagona koje nam popravljaju hrvatske radionice ili ih ne popravljamo, a robu prevozimo hrvatskim vagonima, zašto plaćamo zakup istih;
- postavljanje direktora preduzeća Olimpik tours, koja je vlasništvo Željeznica FBiH, sa završenom trenerskom školom bez obavljenog pripravničkog staža ( neto-plata 3000,00 KM );
- povećanje plate članovima uprave sa 3,5 na 4 prosjeka FBiH kao polazni osnov plus dodaci i retroaktivna isplata za 6 mjeseci, a nezakonito smanjenje uposlenicima za 10 posto;
- oprost duga privatnoj firmi Gikil u iznosu od oko 5 miliona KM, trenutno stanje u Željeznicama FBiH, može se ocijeniti i katastrofalnim.

Osjećali smo potrebu da obavijestimo Vas lično, Vaše saradnike i javnost kako Nedžad Osmanagić, uz saglasnost predsjednika Nadzornog odbora Pave Bobana, vodi Željeznice FBiH u ponor.

Ukoliko se odgovorni ogлуše na naš poziv i ne poduzmu radikalne mjere na promjeni stanja u Željeznicama FBiH, sindikati će poduzeti sve zakonom dozvoljene radnje da spriječe uništavanje Željeznica FBiH i budućnosti željezničara.

S poštovanjem,

Sarajevo, 29.07.2011.godine



Predsjednik SMS-a

Arnes Buljugija